



Broj: 01/04-14-4199-1/18
Sarajevo, 20.07.2018.god.

Informacija o Pregovaračkom postupku bez objave obavještenja o nabavci

U skladu sa članom 28. stav (4) Zakona o javnim nabavkama BiH („Službeni glasnik BiH“ broj:39/14) Grad Sarajevo objavljuje informaciju, da shodno članu 24. tačka a) Zakona o javnim nabavkama BiH provodi pregovarački postupak bez objave obavještenja o nabavci za dodatne radove na izgradnji objekata polazne i dolazne stanice Trebevičke žičare.

Revitalizacija Trebevičke žičare je jedan od najznačajnijih kapitalnih projekata Grada Sarajeva. U svrhu njegove realizacije, Grad Sarajevo i ponuđač Džekos d.o.o. Sarajevo, su nakon provedenog Otvorenog postupka javne nabavke dana 27.06.2017. godine, zaključili ugovor o izgradnji objekata polazne i dolazne stanice Trebevičke žičare broj:01-14-3470/17.

Prilikom izvođenja radova na izgradnji objekata polazne i dolazne stanice Trebevičke žičare, usljed nepredviđenih okolnosti, ukazala se potreba za izvođenjem dodatnih radova koji nisu bili uključeni u prvobitno razmatrani ugovor ali koji su postali neophodni za izvođenje predmetnih radova, a koji su istovremeno tehnički i ekonomski neodvojivi od zaključenog ugovora.

Neophodnost izvođenja dodatnih radova potvrdio je i Nadzorni organ koji vrši stručni nadzor nad izvođenjem radova na izgradnji objekata polazne i dolazne stanice Trebevičke žičare (Zavod za izgradnju Kantona Sarajevo).

Članom 24. Tačka a) Zakona o javnim nabavkama BiH, propisano je da se ugovor o javnoj nabavci radova može zaključiti u pregovaračkom postupku bez objave obavještenja o nabavci za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu tehnički ili ekonomski odvojiti od osnovnog ugovora bez većih nepogonosti za ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći iznos od 20% od vrijednosti osnovnog ugovora.

Ugovor se dodjeljuje ponuđaču Džekos d.o.o. Sarajevo, sa kojim je zaključen osnovni ugovor.

Tenderska dokumentacija se može dobiti na uvid na adresi : Grad Sarajevo, ul. Hamdije Kreševljakovića broj 3. 71000 Sarajevo.

Gradonačelnik Grada Sarajeva

mr. Abdulah Skaka

